

cur in altera Rhēni ripa multæ admodum & pervetustæ Civitates constitutæ sint; in altera vero nullæ: quod etiam in Danubii ripa observari debet. Helvetii quoque Germanis hodie adnumerantur: & Pruteni ultra Vistulam: ut hodiernus Limes Ptolemaica multis modis amplior sit. Nam ab Occasu Rhenum transgressus, usque ad Picardiam & Burgundiam, Galliæ partes, extenditur: a Meridie, ultra Danubium ab Alpes usque: ab Ortu, ultra Vistulam Prussos continet; Septentrionalis limes est Oceanus. Suntque Germanicæ Ditionis præcipuæ & primariæ partes, quæ sub hoc titulo cum minoribus subjectis aut conjunctis describuntur: Regna, *Bohemia* Electoratus: ac *Polonia* Regnum, etsi alterius quam Germanicæ sit linguæ, nec in Imperii Matricula comprehenditur, tamen quia intra veteris Germaniæ Limitem Vistulam fluvium est situm, Germaniæ Tabulis apponemus. *Hungaria* Regnum, quod extra veteris Germaniæ Limites situm est, quia multos insignes Imperatores dedit, & pluribus sub Imperio sitis regionibus dominatur, Germaniæ illud adjungemus. Ducatus: *Saxonia Superior* Electoratus, *Austria* Archiducatus est. Ducatus *Holst*, *Mecklenburg*, *Pommern*, *Lunenburg*, *Lauenburg*, *Brunswyck*, *Meissen*, *Schlesien*, *Moravia*, *Cleve*, *Berge*, *Franconia*, sive *Francia Orientalis*, *Bavaria*, *Wirtemberg*; *Suevia* Comitatus; Palatinatus *Rhēni* Electoratus, Palatinatus *Bavaria*; Landgraviatus, *Hessen*, *Duringen*, *Superioris & Inferioris Alsatie*. Marckgraviatus *Brandenburg* Electoratus, *Baden*, Comitatus, *Embsen*, *Oldenburg*, *Bentheim*, *Lip*, *Diepholt*, *Huy*, *Mansfelt*, *Anholt*, *Stolberg*, *Trol*. *Livonia* quia Germanis subest, inter Germaniæ Provincias recensetur, sed quia latius intra Sarmatias recedit inter illas describitur. Situ exposito in medium prodit Qualitas, cujus causa plurimum in Climate, Situque Cœlesti. Subest Germania Sexto, Septimo, Octavo Climatibus, inter Gradus, Latitudinis quidem XLVII & LV: Longitudinis autem inter XXIV & XLVI. Maximus dies Æstatis in Australi Parallelo horarum est quindécim cum dimidia: In Boreali horarum septemdecim cum quadrante. Licet autem Cornelius Tacitus Germaniam asperam Cœlo scribat, atque apud Germanos perpetuas esse hyemes memoriæ prodat Seneca: Cœlo tamen satis clementi gaudet ac temperato, frigidior quidem, sed ad sanitatem & robur conferente. Solum Hordeo, Tritico, Siligine, Farre, Milio, Avena, ac omni Frumentorum ac Leguminum atque Obsoniorum genere fecundum: Campi uberes, Prata læta. Optanda est ubique ubertas Soli, ac Frumenti magna copia. Germania dives quoque variis in locis, preciosissimis Argenti, Æris, Ferri, Plumbi, aliorumque Metallorum Thesauris: atque alibi etiam Auri: Metallorum fertilitate nullis cedit terris. Sunt & Salis præstantissimi nobiles Fodinae plurimæ. Veteri quoque Germaniæ a Plinio tribuuntur Lapides Cadmia, Callais, Chrystallus, Onyx, Topazius, Adamas & Cerannius; Herbæ: Corrua & Britannica. Mille hic jam Hortorum ac Villarum deliciae; nulla Viridaria Pomariæ magna pomorum ubertate scætèria desideratur.

Quid

Cœli qualitas.

Æris temperies.

Soli fertilitas.